



AZKOITIKO UDALA
AYUNTAMIENTO DE AZKOITIA

ESP. KODEA 2022CONB0023
COD. EXP.

EXPEDIENTEA EXPEDIENTE	HITZARMENAK
TITULARRA TITULAR	SANTA MARIA LA REAL PARROKIA
HELBIDEA DIRECCIÓN	AZKOITIA
IFK CIF	R2000360D

**AZKOITIKO UDALA ETA SANTA MARIA LA REAL PARROKIAREN ARTEKO
HITZARMENA -SAN JUAN TXIKIAREN TAILA ZAHARBERRITZEKO**

BILDU DIRA

Alde batetik, Sonia Vázquez Tejerina and., Azkoitiko Udaleko Kultura zinegotzia, Azkoitiko Herriko Plaza, z/g-ean egoitza izan eta P- 2001800-H I.F.K. zenbakia duen Azkoitiko Udalaren izenean.

Beste alde batetik, Felix Azurmendi Ayerbe jn., NAN 15875555-N duena, Kale Nagusia 61ean egoitza izan eta CIF R2000360D zenbakia duen, Azkoitiko Andra Mari Zeruratze Parrokiaren izenean.

Bi alderdiek onartu diote elkarri hitzarmen hau izenpetzeko gaitasun osoa edukitzea, eta Santa Maria la Real parrokia eta bere ordezkaritza kasuan, Administrazio Publikoarekin hitzartzeko inolako bateraezintasun edo ezgaitasun arrazoietan sartuta ez daudela, adieraz duenaren arabera. Beraz, agertutakoek honako hau

ADIERAZI DUTE

I.- Diru-laguntzei buruzko azaroaren 17ko 38/2003 Lege Orokorrak 22.2 artikuluan xedatzen du Toki Administrazioako aurrekontuetan aurreikusitako diru-laguntza izendunak zuzenean eman ahalko direla, betiere, diru-laguntza arautzen duen hitzarmenean eta diru-laguntzak arautzen dituen araudian jasotako baldintzetan.

Lege bereko 28. artikulua diru-laguntzak zuzenean emateko prozedura arautzen du, zehaztuz, hitzarmenak direla Toki Administrazioek aurreikusitako diru-laguntza izendunak bideratzeko ohiko tresnak. Hitzarmenek, legean xedatutakoa betez, aplikagarriak diren baldintzak eta konpromisoak jasoko dituzte.

Uztailaren 21eko 887/2006 Errege Dekretuko 65. artikulua arabera aurrekontuetan aurreikusitako diru-laguntza izendunak izango dira, xedea, aurrekontu-zuzkidura eta onuraduna aurrekontuaren gastuen egoera-orrian berariaz zehaztuta dituztenak. Gainera, diru-laguntza horiek emateko prozedura ofizioz hasi daiteke edo eskatuta eta diru-laguntza arautzeko oinarri izaera izango duen hitzarmenarekin amaituko da.

II.- Santa Maria la Real parrokia, urte askotan zehar kultur alorreko ekintza ugari egin dituzte: Aste Santuko prozesioa, kabalgata.... ume, gazte eta helduei zuzendutako. Santa Maria la Real parrokiak antolatutako jarduerak oihartzun handia dute herrian bai kanpoan.



AZKOITIKO UDALA
AYUNTAMIENTO DE AZKOITIA

IV.- Lankidetza hitzarmen hau egiteko orduan, kontuan hartu dira Santa Maria la Real parrokiak jendartean duen eragina, zenbat azkoitiarrek parte hartzen duten taldean, elkartearen finkatze maila, ematen den zerbitzua, izandako ibilbidea, jarraitasuna eta egonkortasuna.

V.- Diru-laguntza hau ematen da interes publiko eta sozialeko helburuak betetzeko. Zehazki, Errege kabalgatako gastuak finantzatzeko erabiliko da.

VI.- Hitzarmen hau sinatzen da Azkoitiko Udalaren eskumenen egikaritzan, hain zuzen, Euskadiko Toki Erakundeei buruzko apirilaren 7ko 2/2016 Legearen 17.20 artikulua xedatutakoaren arabera.

VII.- Hitzarmen honen helburua Azkoitiko Udaleko aurrekontuan (indarrean dagoena) aurreikusitako diru-laguntza erakunde onuradunaren alde bideratzea da eta erakunde onuradunak bere gain hartuko dituen baldintzak nahiz konpromisoak finkatzea.

Beraz, diru-laguntzen Lege Orokorrean eta aplikagarria den gainerako araudian ezarritakoa betez, bi aldeek hitzarmen hau izenpetzeko erabakia hartu dute, ondorengo baldintza edo xedapenen arabera:

XEDAPENAK

LEHENA.- Hitzarmen honen xedea da Azkoitiko Udalak 2022. ekitaldiko aurrekontuan aurreikusitako diru-laguntza Santa Maria la Real parrokiari ematea eta emate horren baldintzak arautzea, Santa Maria la Real parrokiak aurkeztu duen programa aurrera eraman dezan: San Juan Txikiaren taila zaharberritzea, hain zuzen ere. Ondorioz, ondoko programak sortutako gastuei aurre egiteko bakarrik erabili daiteke diru-laguntza.

BIGARRENA: Azkoitiko Udalak, Santa Maria la Real parrokiari San Juan Txikia taila zaharberri honen gastuaren %60 diru laguntza emango dio, beti ere 3.200 euroko zenbateoa ezingo duelarik gainditu. 2022ko udal aurrekontuko partida honetatik: 1.8000.481.432.00.01

Diru laguntza hau, ordainketa batean emango da, hitzarmeneko 4. artikuluan jasotzen den zuriketa egin ostean. Horretarako, Azkoitiko Santa Maria la Real parrokiak dokumentazio hau aurkeztu izan behar du:

- San Juan Txiki tailaren zaharberritze proiektua
- San Juan Txiki tailaren zaharberritze aurrekontua
- Gainerako finantza iturriei buruzko zehaztapen idatzia edota beste finantza iturririk ez duen ziurtagiria.

HIRUGARRENA:

- a) Azkoitiko herritarrek eta bisitariek, dohainik, parrokia irekita dagoen guztitan ikusi ahal izango dute taila hau, betiere, meza garaia bada, berau errespetatuz.
- b) Taila honen ondoan, ikusteko moduko leku batean eta begi bistara argia den letra eta tamainan adierazi beharko da Azkoitiko Udalak diruz lagundu duela "Azkoitiko Udalak diruz lagundutako zaharberritzea" esaldia txertatuz Udalaren Logoarekin batera.
- c) Udalak egoki deritzon erakustaldi/hitzaldi edo antzeko ekintza bat antolatze aukera izango du, dohainik, beti ere, gutxienez, 15 egun naturaletako epean abisatu beharko dio Parrokiko ordezkariari. Epe hau errespetatu gabe, abisatzen badu eta abisuaren urgentzia justifikatua badago, Elizak ezin izango du erabilera ukatu baldin eta ez badauka aurreikusita inongo ekintzarik.



AZKOITIKO UDALA
AYUNTAMIENTO DE AZKOITIA

- d) Azkoitiko Udalak edo turismo bulegoak Taila edo eskultura hau ikusteko bisita gidatuak antolatzeagatik, Parrokiak ezingo dio eskatu Udalari bisitek sortutako inongo gasturen ordainketa.
- e) Parrokia bere kaxa eta Udala, herri elkarte edo beste instituzio publiko edo pribaturekin elkarlanean, saiatuko dira ekintza kulturalak burutzen, taila edo eskultura hau ezagutaraztera eramateko herriarekin batera.
- f) Ezingo da sexu edo arraza arrazoiengatik diskriminaziorik egin eta une oro errespetatu beharko da emakume eta gizonezkoen arteko aukera-berdintasun printzipioa.

LAUGARRENA:

Diruz laguntzeko gastutzat joko dira diruz lagundutako ekintzaren edo proiektuaren izaerari erantzuteaz gain, diru-laguntzak arautzeko oinarriek ezarritako epean egiten direnak. Gastu bat diruz laguntzeko, Diru-laguntzei buruzko 38/2003 Lege Orokorraren 31. artikuluan xedatutakoa bete behar da, baita azpikontratatzeko 29. artikuluan eskatutako baldintzak ere.

4.1.- Diruz lagundu daitezkeen gastu kontzeptuei dagokienez, gastu mota batzuetarako ondorengo mugak ezartzen dira:

4.1.1.- Ez dira onartuko gastuen oharrak eta beste dokumentu batzuk, ez badituzte betetzen legeko faktura edo egiaztagiriko kontsideratzeko baldintzak.

Salbuespen izaeraz, zerbitzuak edo lanak egiten badituzte, noizbehinka, faktura egiteko egoeran ez dauden pertsona batzuek, baina legez eskatu dakizkien baldintzak beteta, fakturaren ordean onartuko da hartzaileak jaso izanaren agiri bat aurkeztea, zeinetan jasoko diren izen-abizenak, nortasun agiria (NA) eta kontzeptua. Onuradunaren gastu guztiak kontuan hartuta, ezin izango dute gainditu gastu guztiaren %50aren kopurua. Jaso izanaren agiri bakoitzaren zenbatekoa ezingo da izan 800€ baino handiagoa eta zenbatekoa 300€tik gorakoa denean, derrigorrezkoa izango da jasotzailearen banketxe kontuan ordainketa egin izana ziurtatzen duen agiria aurkeztea. Jaso izanaren agiria sinatu duenari Ogasunak erreklamazioen bat jarriko balioke, ezin izango zaio inolako erantzukizunik eratorri Azkoitiko Udalari; izan ere, Azkoitiko Udalak gastua egin eta ordaindu dela egiaztatu besterik ez du egingo, emandako diru-laguntza justifikatzeko bitarteko gisa.

4.1.2.- Bazkari, afari, hotel edo ostalaritzako zerbitzuen kostuak, kilometraje gastuak, ibilgailuentzako erregai gastuak, telefonia zerbitzuetako gastuak edo antzekoak modu nabarian (eta egoki justifikatuta) aurretik identifikatuak izan behar dira aurkeztutako proiektuan. Edonola ere, behar den proportzionaltasuna gorde beharko dute egindako gastuaren artean eta lortu nahi duten helburuaren artean, zenbatekoa izan gabe entitatearen gastu guztien % 25 baino handiagoa.

4.1.3.- Salbuespen izaeraz, justifikatzen zailak diren gastuak onartuko dira, zeinak ez duen beharko agiriz justifikatzea, eta kasu batean ere ez da izango onuradunaren gastu guztien %10 baino handiagoa.

Lanak 10 hilabeteko iraupena izango du gehienez ere eta 2023ko urriaren 31an amaituko da diru-laguntza hau erabiltzeko edo jarduerak egiteko epea. Aldiz, diru-laguntza emateko helburua bete duela zurriz eta jasotako diru-laguntza zertan erabili den justifikatzeko epea 2023ko azaroaren 30ean amaituko da.



AZKOITIKO UDALA
AYUNTAMIENTO DE AZKOITIA

Justifikatzeko modua KONTU ERRAZTU bidez egingo da eta honako dokumentuak izango ditu:

- a) Justifikazio-kontuaren adierazpena Azkoitiko Udaleko webgunean (www.azkoitia.eus) eskura dagoen ereduaren arabera diruzainak sinatua.
- b) Jarduera memoria bat, diru-laguntza ematerakoan jarritako baldintzak bete egin direla justifikatzen duena eta egindako jarduerak eta lortutako emaitzak adierazten dituena.
- c) Jarduerak izan dituen gastuen eta sarreraren zerrenda sailkatua Azkoitiko Udaleko webgunean (www.azkoitia.eus) eskura dagoen ereduaren arabera diruzainak sinatua.
- d) Gastua justifikatzeko balio duten faktura, ordainagiri edo trafiko juridikoan froga balioa duten beste agiriak onuradunak gorde beharko ditu eta Kultura Departamentuak diru-laguntza egoki aplikatu ote den egiaztatuko du horren gaineko arrazoizko ziurtasuna ematen duen ordainagirien lagin bat begiratuta. Hautaketa ausazkoa izango da eta onuraduna behartuta egongo da hautatu diren agiri original horiek aurkeztera.

Justifikatzeko obligazioa ez betetzeak nahiz behar bezala ez justifikatzeak jasotako kopuruak eta dagozkien interesak itzuli beharra ekar lezake berekin, Diru-laguntzei buruzko Lege Orokorraren 37.1 artikuluan xedatutakoaren ildotik.

BOSGARRENA: Diru-laguntza hau jaso ahal izateko aurreko ekitaldiko diru-laguntza zurituta izan behar du. Likidazioan ezingo da superabita eduki eta horrela suertatu ezker, gehienez jasotako kopurua itzuliko dio Azkoitiko Udalari.

SEIGARRENA: Udalaren laguntza bateragarria izango da gainerako erakunde publiko edo pribatuek xede bererak eman ditzaketen bestelako diru-laguntzekin, eta Santa Maria la Real parrokiaren gainontzeko sarrerekin, beti ere udalari informatuta. Edonola ere, ezingo da gain-finantzaketarik izan, eta egora hori gertatzen bada, diru-laguntza murriztuko zaio Santa Maria la Real parrokiari.

ZAZPIGARRENA: Azkoitiko Udala ez da arduratuko Santa Maria la Real parrokiaren lanean ari diren langileez eta Santa Maria la Real parrokia izango da langileekiko lan-harremanaren ondorioz sortutako lege alorreko betebeharren erantzule bakarra. Lan alorreko legeri babesleak bere alderdi guztietan ezarritakoa bete behar du Santa Maria la Real parrokiak.

ZORTZIGARRENA: Hitzarmen hau izenpetzean, sinatzen duenak adierazten du bertan ezarritako betekizun guztiak betetzen dituela eta hemen jasotako baldintza eta betebeharrak guztiak onartzen dituela.

Era berean, izenpetzen duenak adierazten du Azkoitiko Udalari eman dizkion Datu Pertsonalak onespenez eman dizkiola eta datu horiek Azkoitiko Udalak baimendutako fitxategian sartzeko eta tratamendu automatizatua emateari baietza ematen diola.

Gainera, sinatzen duenak aitortzen du hitzarmen hau izenpetzeko eman duen informazioa egiazkoa dela eta ez dela isilean ezer gorde edo aldatu.

Hitzarmena sinatzen duenak baimena ematen dio Azkoitiko Udalari:

- a) Izaera pertsonaleko datu horiek udala kudeaketarako bakarrik erabiltzeko.
- b) Hitzarmen honen xede den diru-laguntza zuzen kudeatzeko garrantzizko den informazio guztia eskuratu ahal izateko beste Administrazio Publiko batzuen fitxategietan beharrezkoak diren kontsulta guztiak egiteko.

Hitzarmen hau izenpetzen duenak aitortzen du argibide guztiak eman zaizkiola berak eman dituen datuak izaera pertsonaleko datuen eta babes digitaleko 3/2018 lege organikoak ezarritako moduan eskuratzeko, zuzentzeko edo ezabatzeke aukeraren inguruan.



AZKOITIKO UDALA
AYUNTAMIENTO DE AZKOITIA

BEDERATZIGARRENA: Hitzarmen honetan aurreikusita ez dagoen guztian, betetzekoak izango dira Estatuak diru-laguntzetarako 2003ko azaroan 17an eman zuen 38/2003 Lege Orokorra, eta uztailaren 21eko 887/2006 Errege Dekretuaren bidez onartu zen Diru-laguntzei buruzko Erregelamendu Orokorra eta kasuari aplikagarria den gainontzeko araudia.

HAMARGARRENA: Administrazioko auzitegiatarako jurisdikzioaren menpe geratuko dira hitzarmen honetatik sortzen diren auziak. Nolanahi ere, bitartekaritza edo arbitrajez konpondu daitezke, indarrean dagoen legedian zehaztutakoarekin bat etorritz.

Hitzarmen honetako klausulak ez betetzea haren deuseztapena ekar lezake eta elkarteak diru-laguntza kontura jasotakoa itzultzera behartuta egongo da, laugarren klausulan zehaztutako eran.

Eta horrela jasota gera dadin, dokumentu honetako edukiarekin adostasuna azalduz eta leial betetzeko konpromisoa hartuta, bi aldeek hirukoiztuta sinatzen dute.

Aisialdiko Batzordeburua
Sonia Vazquez Tejerina

Santa Maria la Real parrokia
Felix Azurmendi



Egiaztapen Kode Segurua/Código Seguro de Verificación: **ESKU4e1def62-600a-47f9-bf7b-9e8d690dc1**

Dokumentu elektroniko honen paperezko kopiaren osotasuna eta sinadura egiaztatzeko, sar ezazu egiaztapen kode segurua egoitza elektronikoan:
<https://uzt.gipuzkoa.eus?De=01710>

Compruebe la integridad y firma de la copia en papel de este documento electrónico, introduciendo el código seguro de verificación en la sede electrónica: **<https://uzt.gipuzkoa.eus?De=01710>**